

**Naalakkersuisut meeqqat atuarfianni atuartunut atuarnerminnik  
naammassinnittussanut inuussutissarsiutit pillugit atuartitsissutinik  
neqerooruteqarnissamut periarfissat pillugit nalunaarusioqqullugit Naalakkersuisut  
peqquneqarnissaannik Inatsisartut aalajangiussassaattut siunnersuut. Nalunaarusiaq  
UKA2023 nallersinnagu Inatsisartunut tunniunneqassaaq.**

(Inatsisartuni ilaasortaq Aqqalu C. Jerimiassen, Atassut)

### **Akissuteqaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

### **Aappassaaneerpeqarnera**

Naalakkersuisut sinnerlugit Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap siunnersuutip isumaliutissiissummullu tunniunneqartumut suliarinnilluarsimaneranut qujassuteqarfigaakka.

Ataatsimiititaliap isumaqatigiilluni suliniutit inuussutissarsiutinut sammitinneqartut, siullermeerinninnermi akissuteqaammi taaneqartut, ilaatigut eqqumaffigeqquaar. Ataatsimiititaliap suliniutit taakkua annertunerusumik suleqatigiissuteqarfigineqassasut ataqatigiissaarneqarnerullutillu nalilerpaa, taamaaliornikkut pissarsiffigilluarneqassammata. Taaneqartut taakkua tunngavigalugit Ataatsimiititaliaq allannguutissanik saqqummiussaqqarpoq. Naalakkersuisut allannguutissatut siunnersuut taperserpaat Ilinniartitaanerlu pillugu Ataatsimiittartoqatigiit Ataavartut ataatsimiinnissaanni tulliuttumi siullermi kommunit oqaloqatiginiarpaat, sammineqartumi pingaarutilimmi tassani iliuusissatut pilersaarusiortoqarnissaa pillugu.

Taanna tunngavigalugu Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap allannguutissatut siunnersuutaata akuersissutigineqarnissaa inassutigaarput.